

孚惠全書

平惠全書卷三十四

偏陽賑借八

乾隆二十四年正月初四日奉

上諭甘省河東河西各屬上年偶被偏災業已加恩多方撫卹但念該省地處邊隅民生業稱寒瘠現在時屆春初小民方勤東作土青黃不接之際創賑既停閭閻未免拮据著再加恩將河東之皋蘭金縣靖遠會寧武威古浪平番永昌山丹碾伯鹽茶廳花馬池等十二廳州縣被災處所無論極次貧民災分輕重俱一體加賑三個月仍准銀米兼賑其餘應行酌借口糧者並著照例查辦俾窮黎得以接濟用資力作畊蘭省會之地以及平番

古浪武威靖遠張掖肅州等屬糧價較貴而關外之安西五衛價直尤昂雖該督等現在減價平糶然照常例酌減恐仍不足以平市價並著加恩將粟米每石減糶銀二兩四錢小麥每石減糶銀二兩二錢庶貧民不至艱於買食該督撫等其並率屬員悉心查辦務使農民普霑膏惠該部即遵諭行

二月二十六日奉

上諭甘省地處邊隅風土貧瘠兼之去冬未得透雨麥苗未能遍種民力不無拮据前經降旨將上年被災各屬於青黃不接時一體加賑已至本年五月但其時秋成未屆又逢閏月貧民餬口維艱

深堪軫念著加恩再行加賑三個月酌量銀數  
賑以資接濟現在東作方興各屬內有不能及時  
耕種者俱著量借籽種牛具折價給予務俾農民  
早事南畝以冀有秋著該督吳達善詳悉查明奏  
聞借給副朕念切惻愍至意該部遵諭速行

御製降旨加賑甘肅被災州縣詩以紀事

有序  
乙卯

甘涼為雨陸轉錄孔道上瘡而風醉其民受直  
執公旬惟謹給復蠲逋之詔歲幾數下其徧陽  
以薄侵告者原銀優卹訖於夏五顧念時未登  
秋節方屆閨心有愁焉申命貸之牛種仍予展  
賑三月庶幾綏我蒼赤資彼青黃即事憶懷以  
告咨牧

涼肅窮邊未鮮達溫飽家何當運餉苦更飽被災  
嗟討逆非容已思艱詎有涯豁微明歲豫繼賑到  
秋賒不寬寧無窘雖加可再加所希歌載載萬戶  
樂休嘉

二十八日奉

上諭昨因甘省被災各屬民食維艱降旨加恩再  
行加賑三個月以資接濟展轉思維該省僻在邊  
陲生計素瘠上年既不免薄糴而自冬涉春雪澤  
又未能霑足現在展賑雖可接至初秋而隨時急  
心擘畫俾小民得需資惠則司牧者之責也著傳  
諭該督撫確體情形通融經理如春月雨水調勻  
入秋西成可望即將從一兩月應行給賑之項以

次按數先期併給俾支用倍為充裕若量其歲事  
未能豫定糈糧之資必須按月分領以防耗費則  
仍循例次第給發蓋窮簷止謀旦夕不知遠計督  
撫等其曲體民情毋拘成例務期邊地災黎不致  
稍有失所以剝朕惻隱在抱之至意

三月初一日奉

上諭粵省隰州大軍等二十七營及大同鎮標左  
營等四營兵丁月糧向例俱全支折色但該處米  
糧價直較前稍覺增長若照舊例支給兵力不免  
拮据著加恩將各營本年應給月糧折價九錢者  
每石增銀二錢折價一兩者每石增銀一錢於該  
省錢價盈餘項內給發俾兵丁食用充裕以示優

卹該部即遵諭行

四月十一日奉

上諭甘省上年被災各州縣疊經加恩撫卹展賑已至七月其河州狄道環縣東樂等四處被災次重雖已照例領賑當此青黃不接之際窮黎謀食維艱朕心深為軫念著加恩一體展賑三個月按月支給俾小民鋤口有資自可力勤耕作以待秋成該部遵諭速行

十八日奉

上諭據吳達善奏報河東之河州渭源等十州縣夏田俱已種齊皋蘭金縣等六廳州縣佈種無多正需雨澤茲於四月初一二等日甘雨連綿皋蘭

縣城鄉各入土三四寸金縣亦同時得雨各屬雖  
尚未報齊而雨勢甚廣夏秋均可趕種等語覽奏  
深為額慶該處今年春雨稀少時屢朕懷現在幸  
沛甘霖正可乘時勸種以冀有秋著該督吳達善  
等即速查明如有力不能置牛具者即行借給牛  
具缺乏籽種口糧者即行借給籽種口糧俾得及  
早耕作盡力雨畝並派委賢員多方勸導務使農  
民咸知勤奮仰承膏澤以慰朕軫念邊氓至意該  
部遵諭速行

五月十八日奉

上諭陝西西安府屬之咸寧長安咸陽臨潼藍屋  
鄠縣興平高陵三原涇陽醴泉富平耀州同官同



州府屬之潼關廳暨大荔朝邑華陰郃陽韓城蒲城白水商州屬之雒南邠州長武三水淳化乾州永壽武功等三十廳州縣入夏以來雖連得雨澤未為透足其沿邊一帶之延榆二府郃陽二州所屬去歲被災之各州縣雨水亦未能霑潤該州縣夏麥既已歉收民力未免拮据朕心深為軫念自應分別重輕酌量接濟著鍾音即於各屬倉儲內動撥米石或應平糶或應借給籽種其上年被災而今歲夏收又復歉薄之處則酌量情形即於寧夏及晉省運到糧石內量加賑卹務使貧民均霑實惠不致失所以副朕體卹邊氓之上意

六月初九日奉

上諭前因陝省榆林葭州等屬頻年被災加恩賑濟嗣以麥收尚早而例賑已竣復經降旨加賑現在邊地雨澤未能需足麥收較薄計距秋收之期尚遠民食未免拮据深堪軫念著再加恩將榆林等十一州縣被災七八分之極貧與被災九分之極次貧民再行加賑兩月酌量地方情形銀糧兼給以資餬口其榆延等屬去秋未經被災州縣二麥歉收之處亦准照例酌借籽種口糧俾編氓盡力南畝以待秋成該部遵諭速行

十三日奉

上諭前因京師亢陽屢申虔禱昨於十二日仰沐天庥甘霖霑霈至今濃雲四合裊瀟熳紛膏雨垂

施所及者屬直屬地方自必普遍優渥土脈透潤  
現在節屆小暑正須急事翻犁耨種以承  
恩澤著方觀承速飭地方有司廣為勸課並查明  
無力窮民分別酌借牛具籽種口糧等項俾得乘  
時盡力耕作以冀秋成

閏六月初五日奉

上諭甘省附近之連城紅城兩上司所屬地方上  
年被有偏災已加恩借給籽種今歲雨澤未能霑  
足夏收較薄念邊外土民餬口未克拮据著再加  
恩借給口糧三個月照例折給該撫吳達善即委  
幹員前往會該上司等按戶散給俾需實惠並著  
令於來歲麥熟後同前借籽種分作三年交還以

示體卹該郡速遵諭行

十二日奉

上諭據方觀承奏各屬屢次大雨之後唐河沙河  
白溝拒馬諸水同時並漲下游悉歸淀河以致大  
清河尾閘不能宣洩轉由鳳河倒漾阻遏渾流而  
宣化上游雨後漲發盆涌旁溢南岸四上隄頂漫  
開數丈現在馳往確勘等語入夏以來直屬大雨  
時行各河漲發而山西北上游諸路亦均得透雨山  
水下注永定河隄埝致有漫衝著派安泰赫爾景  
額卽速馳驛前往看視情形並留赫爾景額在彼  
協同該督將漫口刻日堵築毋致再有浸溢其水  
過村莊現在有無淹浸及應行加恩撫卹之處著

方觀承一面勘明妥辦一面奏聞該督職司河道不能先事豫防著交部照例察議其疎防之河道各員俟查參到日一併交部察議

十九日奉

上諭據吳達善奏稱甘省所屬皋蘭等三十六州縣衛五六月間雨澤愆期被旱情形輕重不一等語甘省地處邊陲連歲秋成歉薄去冬雨雪稀少今夏禾麦收穫價昂貴閭閻必多拮据朕心深為軫念該督等應悉心體察民情勤加撫綏各屬內有趕種秋禾並借行政種晚秋現在乏食之戶即查明量借口糧銀兩以資接濟其被災較重節候已遲不能改種秋禾及止種一收成災之處不在

現領加賑之內者接濟尤不可緩俱著該督等詳  
悉確查速行賑濟使窮黎不致失所至畧蘭金縣  
等處前因被災屢經降旨加恩展賑已至七月今  
該省現在尚未獲收所有加賑之期未便拘於常  
格至十月始行散給著即於八月內接續放賑俾  
得源源接濟朕嘉惠窮黎有加無已該督等其董  
率屬員實力奉行體朕優卹邊氓至意該部遵諭  
速行

七月初四日奉

上諭直屬夏秋以來米價稍昂因截留漕糧並酌  
撥倉穀令各該地方設廠平糶民食不致拮据所  
有通省各營兵丁並著加恩令該督提等查明確

數每名借給糧一石俟明年夏季起分作一年扣還其附近水次者即於截存漕糧項內動撥餘即就各該處倉糧內借給以示體卹該部遵諭速行

二十三日奉

上諭據方觀承奏永定河四工漫口已經合龍該處現在引水歸槽工程完竣其卹莊涸出之處一經過水土脈更肥民間正當及時補種秋麥以收地利著方觀承將固安永清霸州等所有被水卹莊內查明有地無力之戶按畝酌借倉穀俾得易換籽種來時力作用示撫卹

二十三日奉

上諭據方觀承奏七月初七等日節次大雨漳衛

河水長發大名順德所屬之邯鄲雞澤等州縣內  
間有被淹却莊又南運河之南皮縣東岸及吳橋  
縣正對德州衛第六屯二處隄岸均有漫溢現在  
督率查勘辦理直屬今年夏初亢旱旋得透雨晚  
田禾稼及時播種正可望有秋今忽有此窪下之  
區積水自多殊為可惜所有隄念民田尤宜加意  
防護南皮吳橋運河漫口關係緊要現據該督親  
赴勘辦著迅速設法堵閉俾近河居民不致漫水  
傷稼其漳衛諸河附近被水各處據奏委按察使  
喬光烈等呈赴勘辦有應疏濬堵築者務令悉心  
相度加緊籌辦被水民田內有應分別撫綏借賑  
者俱著一面辦理一面奏聞以副朕軫念之意



八月十五日奉

上諭甘肅連年歉收倉穀尚未充裕明歲春耕一  
切籽種口糧皆須酌借向來原有折銀借給之例  
但念該處現在糧價稍昂若照每石折給銀一兩  
之數購買尚覺不敷著加恩自今冬明春各屬災  
地及勘不成災處所應借籽種口糧河西每石折  
借銀一兩四錢河東每石折借銀一兩三錢俾農  
民耕作有資不致拮据用示體恤該部即遵諭行

九月初一日奉

上諭晉省各屬今歲夏秋間有偶被偏災之處現  
據該撫照例查勘題報所需撫賑口糧例應本折  
兼給該省被災之後時價不無稍昂所給折色著

加恩每石折銀一兩六錢俾災黎買食充裕以示  
體恤該部卽遵諭行

十一月十六日奉

上諭霸州固安等十處駐防兵米向係給發折色  
今歲畿輔一帶雖屬有秋而米價未免稍昂明春  
青黃不接之際兵丁糴買不無拮据著加恩將霸  
州固安良鄉東安順義永青等五田昌平古北口  
遵化州十處所有本年冬季及二十五年春季駐  
防兵米折色每石加銀三錢以示體卹該部遵諭  
速行

十八日奉

上諭甘省折賑向例每石給銀一兩上年因該地

方歲事歉收恐貧黎買食不敷已降旨河東每石加銀三錢河西每石加銀四錢今皋蘭等各屬被災地方糧價尚未平減朕心深為軫念著再加恩將皋蘭靖遠金縣平番固原鹽茶廳環縣古浪安定會寧新寧隆德靈州花馬池中衛狄道河州碾伯等各州縣賑糧折價俱於前加每石三錢四錢外河東河西每石再各加給銀三錢俾窮黎足敷買食以示惠養邊氓至意該部遵諭速行

二十二日奉

上諭甘省今歲收成稍歉糧草價直較昂滿漢各營應支折色若照向例折給購買未免不敷所有明歲官兵改折糧料草束及採買滿營糧草價直

著加恩照二十三年之例一體加增其河州鎮標  
臨洮鞏昌二營及陝省延榆地方並固原一帶協  
路各營隸於甘省者均屬災數之區著將明歲各  
營應關折色亦一例增給以示體卹該部遵諭行  
二十九日奉

上諭本年江南蘇松各屬間有偏災秋收稍歉糧  
價較昂所有沿海沿江各營兵丁口食未免拮据  
著加恩照乾隆二十年之例酌借月餉銀兩接濟  
其應如何確按數收分數分別借給之處著該督  
撫會同提督上進奏速行妥協商酌一面辦理一  
面奏聞

乾隆二十五年正月初二日奉

上諭甘肅蘭涼平慶一帶上年偶被偏災已加恩一體賑卹但念邊氓生計拮据春耕在即而例賑將停恐不足以資接濟著再加恩無論被災分數極次貧民將皋蘭金縣平番古浪會寧安定固原靖遠環縣鹽茶等十廳州縣於正賑之外再加展賑至麥熟後停止靜寧隆德狄道三州縣再加展賑四個月靈州花馬池中街河州碾伯五廳州縣再加展賑三個月俾小民得以鋤口力耕副朕念切憫原至意該部遵諭速行

二月初十日奉

上諭上年晉省所屬州縣內夏秋有偶被偏災之處俱經分別蠲緩賑卹但念時屆二月例賑將停

而麥收尚遠小民際此青黃不接餬口未免拮据  
著再加恩將成災六分以上之陽曲等三十州縣  
無論極次貧民再行加賑一個月仍照例折給俾  
得買食充裕以資接濟該部遵諭速行

三月初十日奉

上諭晉省隰州大寧等二十七營及大同鎮標左  
營等四營兵丁月糧折色上年曾經降旨增給現  
今該省糧價尚未平減若遽照舊支領仍恐不敷  
買食著再加恩將本年應支折色照上年之例折  
價九錢者每石增銀二錢折價一兩者每石增銀  
一錢俾兵丁日用充裕以示體卹該部遵諭速行

十四日奉

上諭上年陝省沿邊一帶偶被偏災業已加恩撫  
賑現屆青黃不接之際麥秋未至而倒賑已停農  
民口食未免仍有拮据者再加恩將被災五分以  
上之定邊榆林葭州神木府谷懷遠等六州縣無  
論極次貧民俱加賑兩月被災五分之安定延川  
宜川等三縣俱加賑一月照例折給以資接濟該  
部遵諭速行

乾隆二十六年正月初二日奉

上諭去歲湖南所屬之零陵新田祁陽東安寧遠  
耒陽常寧等七州縣因夏間缺雨偶被偏災已據  
該撫照例散賑該省屢歲豐收此數州縣秋成偶  
歉民氣雖不致大傷第念閭閻業已被災日用完

多估据計例賑既畢尚屬青黃不接之時著加恩  
將此七州縣無論極次貧民再行加賑一個月該  
撫其善為經理務使得需實惠用副朕軫卹至意  
該部卽遵諭行

御製降旨再加賑湖南被旱諸州縣詩以誌事  
頻年寬大詔甘省首所被去年幸豐收况豫免今  
歲恩澤無可加初春宜施惠楚南昨偏災加賑以  
次第牧吏報民安廬念仍弗置已加寧再加永奉  
大光義

初四日本

上諭上年淮揚徐海等處偶被水災業經加恩陸  
續賑卹諭令地方有司實力查辦務使窮黎得所



茲當東作方興例賑將停而麥收尚遠農民生計  
恐不無拮据著再加恩將被災較重之阜寧安東  
桃源高郵泰州興化寶應等七州縣無論極次貧  
民俱加賑兩個月其被災次重之清河鹽城甘泉  
睢寧海州沐陽等六州縣毋論極次貧民俱加賑  
一個月以資接濟該部遵諭速行

御製降旨加賑高寶被災諸州縣詩以誌事

己未

高寶去歲潦優恤籌民安郡郡頗有收穀價未貶  
艱方甚宜佈惠南望此所先賑期盡青黃毋寧再  
加寬意苟存惜帑吾民何賴焉有孚勿問吉好生  
勵體乾

初五日奉

上諭昨已降旨將湖南省被災之零陵新田祁陽  
東安寧遠耒陽常寧等七州縣於例賑之外各加  
賑一個月以資接濟但今東作方興麥秋尚遠災  
民生計仍恐不無拮据著再加恩將此七州縣毋  
論極次貧民各予加賑一個月用示朕惠養黎元  
至意該部遵諭速行

六月十六日奉

上諭據愛必達等奏滇省新興州江川縣兩處於  
四月內地震所有倒塌民房傷壓人口請照例賑  
卹等語該州縣地震成災雖經該督撫等照例分  
別賑給但念被災過重窮黎尚多拮据所有賑卹  
銀數著加恩照乾隆十九年恩旨於常例之外加

一信賑給該督撫務督率屬員實心妥辦俾災民均霑膏惠該部遵諭速行

七月初九日奉

上諭李勲奏湖南常德府之新口橋易家隄各岸因雨水稍多間有浸坍之處廬舍田園被淹督臣已經查勘撫卹等語今年雨水在在充足該處得雨過多沿隄居民田舍猝被淹浸殊深軫念著該督撫等呈即遴委幹員將沖塌房屋淹斃人口分勘詳查所有應行賑卹之處即速照例賑卹其田禾被水之處成災與否亦即確勘分數據實具奏毋得稍有遺漏至所坍隄岸一面上緊堵築以資捍衛副朕軫卹閭閻至意該部遵諭速行

十五日奉

上諭據張師戴奏報六月下旬連次大雨汶水陡長東平寧陽汶上一帶民堰多有漫刷現在晴明水勢消退近河要工俱各保護平穩等語今年直隸山東等省雨澤在在透足惟夏末秋初雨勢稍稠低窪地畝未免有淹浸田禾之處昨已諭令阿爾泰據實查明具奏今日方觀承奏到永定河北岸亦有汕刷淹及附近田禾摺內以非因漫水為患未便另議賑卹此皆地方官相沿故套之詞殊不思以直省頻年重邀

天貺甘膏霖渥此一隅近河沮洳之鄉浸溢見告原不足為屢豐之累司民牧者若意存文飾且或

以今歲恭逢

大慶不欲以此項項入告則大非朕勤民懷保之意方觀承已有旨令其留駐固安查勘經理著再諭該督並巡撫阿爾泰令其各就沿河產地悉心查勘有應行賑恤者一面即速奏聞一面飭屬妥協辦理不得稍有諱飾副朕軫念閭閻至意

二十七日奉

上諭今年入秋以來直隸各屬雨水稍覺稠密其與永定河附近地方邨莊田畝未免淹損該處雖皆一水一麥之地但既已種有秋禾收成失望農民未免拮据著加恩將固安永清東安武清四縣被淹地畝照永定河撫恤之例查明貧乏之戶計

食口多者每戶給米四斗少者給米三斗穀則倍之其早能涸出尚可及時佈種秋麥有地無力之戶按畝借給倉穀五升以資易換麥種之用仍寬期俟明年秋成後免息還官至消涸稍遲之地僅可佈種春麥者屆期一例借給仍同各處被水地畝確勘情形分別蠲賑該督務董率屬員實力奉行毋令胥吏侵食中飽俾閭閻不致失所副朕軫念貧民至意

八月初三日奉

上諭河南祥符等縣河水漫溢已特派大臣馳驛前往會同該撫等相度經理所有被水邨莊並令加意撫綏朕思被水情形與被旱不同蓋旱形可

以豫知地方官先事詳查戶口造冊彙報上司核定委員監放尚可需時至於水災待至室廬一空災民嗷嗷豈能遑待著大學士劉統勳等會同該撫常鈞嚴飭地方各官遇應行加賑之地隨查隨賑無俟彙齊冊報輒轉稽延並於被災較重州縣各按四鄉分設粥廠俾得就近餬口不致失所副朕加惠貧民之意但不得因有此旨不行實力察勘致令吏胥從中冒濫滋弊可耳該部遵諭速行

初六日奉

上諭今歲直隸各屬麥收豐稔秋禾暢茂緣七月間雨水過多濱河及低窪地畝遂被淹浸已降旨將固安永清東安武清四縣照例撫卹並酌借麥

投俾涸出之地得以及時佈種其文安大城霸州保定等屬因漫口被淹各鄉莊並著照前旨一體查辦至同時被潦之寧河寶坻薊州等屬雖所損不過什之一二但現在天晴水涸正可乘時補種晚稼及明年春麥並著該督方觀承查明有地無力之戶酌量借給倉穀俾貧民力作有資以裨生計該部遵諭速行

初七日奉

上諭直屬被水各州縣節經降旨加意撫卹今據該督方觀承奏永平廣平等府所屬州縣雨水亦已消退不致為災惟冀州衡水武邑三州縣因近潦沱被水較重窮民生計未免拮据著加恩照



固永等縣一例撫卹俾災黎無致失所該部遵諭  
速行

二十一日奉

上諭直隸毗連豫省之間州長垣東明等州縣及  
附近運河之景州清河二屬因秋雨過多田禾間  
有淹沒所有被水貧民深堪軫念著該督方觀承  
照固永等屬之例一體加意撫卹並各先給口糧  
以資安頓毋致失所該部遵諭速行

十二月初一日奉

上諭今年豫省秋霖過多所有被災各屬已疊降  
諭旨分別蠲賑但地方穀價較向年增長兵丁買  
食未免拮据開春之後吏恐不敷接濟著加恩將

乾隆壬午年八鎮駐防官兵額支俸餉糧束木石  
自二月起至六月給與半年本色其中倒應扣閏  
者亦著一概給予以示體恤

平惠全書卷三十四

平惠全書卷三十五

偏隅賑借九

乾隆二十七年正月初一日奉

上諭上年河南祥符等被水州縣已疊降諭旨令該撫等率屬實力詳查分別應蠲應賑加意撫綏第念該省當人工告成去冬各屬屢經得雪轉瞬東作方興而一屆春和例應停賑小民生計未免猶覺拮据著再加恩將該處被災極重者加賑兩個月次重者加賑一個月該撫等並率屬員悉心妥協經理務令均霑實惠稱朕軫念災黎之意該部遵諭速行

御製降旨加賑豫省去歲被水州縣詩以誌事

壬午

楊倫昨秋河奪溜督築柏冬工幸就爾時善賑濟  
燃眉帑粟不惜期速救方伯量移取熟路曰有事  
焉資善後胡齊琰前為豫撫曾令會解通省渠賴  
上士咸有楊倫之從後自江西調任賴  
聞淤田麥秧茁便冀有秋時尚欠叶方春生養萬  
物散豫民獨苦予心疚災有重輕本不同賑加一  
再分薄厚旋轉化機賴

天庥客冬三白麟胥宿顯祈赤子復元氣博施寧  
諄補罅漏

初四日奉

上諭上年北省秋雨過多如直隸之大名天津山  
東之德州曹州等濱河各屬被災雖不及豫省之  
重而秋成分數較薄已疊降諭旨令督撫等加意

撫綏賑恤現在東作方興小民正在青黃不接之時生計未免竭蹶著總督方觀承巡撫阿爾泰就上年被水地方體勘輕重情形有應行展賑者一面奏聞一面率屬妥協經理使閭閻均霑膏惠該部遵諭速行

御製降旨命直隸總督山東巡撫優恤去歲被水

諸州縣詩以誌事

壬午

豫省去歲當河決災重優恩施次第江蘇兩浙與安徽喜遇春巡澤亦逮新正寬大宜頒頒賑賑蓋切憂民意直隸山東昨秋澇較豫雖輕實波及叶發帑發粟毋或新惠俾均霑勅大吏猶厯春月賑期完寧免不接青黃際用是十行再申命方伯胥

應善撫字災有重輕戶殊貧保甲可按知極次加一加二率咸知即使再加莫拘例君臣皆食

天祿人嗟嗟羣赤無祿位恤民設不盡此心寧弗深慚曠上義

二十日奉

上諭去秋山東被水偏災各屬雖不至如豫省之重但現在時當青黃不接例賑又應停止小民生計未免拮据因傳諭該撫阿爾泰令將各處被災分數查明具奏今據奏到被災較重之曹縣城武德州濟寧魚臺等五州縣著加恩無論極貧次貧俱行加賑一個月其濱河次重之齊河金鄉嘉祥荷澤單縣定陶鉅野濮州范縣臨清邱縣館陶恩

縣夏津武城等十五州縣成災在八分以上所有  
貧民及衝地貧軍亦著加恩展賑一個月以資接  
濟該撫其並率屬員妥協經理務俾閭閻均霑實  
惠副朕軫念災黎之至

二月初五日奉

上諭上年江省被災各州縣已疊頒諭旨加恩賑  
卹但念時值春和東作方興民力不無竭蹶著再  
加恩將高郵寶應甘泉泰州山陽安東桃源清河  
銅山沛縣睢寧等十一州縣無論極次貧民俱加  
賑一月至安徽省之太和亳州阜陽潁上靈璧等  
五州縣亦著一體加賑一月以示惠養黎元至意  
該部遵諭速行

御製降旨加賑江南去歲被災州縣詩以誌事任  
遇災蠲賑循常經賑則有期蠲賦耳積逋原在不  
蠲例加賑更惟待待旨新正江浙逋盡寬入疆民  
瘼尤詳揣雖無展轉溝壑人大半衣裳多藍縷叶  
賑期視災為短長者較可短奚待命加一月普  
予糧無論極次貧同視樽節庶可度青黃尚在育  
司善經理膝黃謝惠亦何必調幕懷慙正無已

初五日奉

上諭宿遷一帶州縣地方濱臨大河向來歲收率  
多歉薄現在巡行省視見閭閻氣象雖較前似覺  
稍舒而生計未能優裕時值春和農工肇舉尚須  
加恩接濟著該督等從優酌借籽種俾得從容東



作以冀有秋該部遵諭速行

御製過宿遷命借給民籽種干壬

宿豫地卑濕十歲九逢災慘然思救濟別警示前  
迴去歲乃免潦賑恩例弗推一夫苟向隅如傷繫  
吾懷矧此瘠郡民艱狀憶向未較昔雖小差曰蘇  
實未幾當春東作興籽種要安排借給俾勤耕庶  
幾開汙萊使幸逢有秋毋遽科呼催

三月二十二日奉

上諭直隸保定等處駐防兵丁本年夏秋冬三季  
兵米例應給發折色但念各該地方上年俱有被  
水之處米價未免稍昂兵丁買食維艱去歲直隸  
截留東省漕糧五萬三千餘石今除賑糶之外尚

存米一萬七千餘石著加恩將保定雄縣及東安  
采育霸州良鄉順義七處駐防兵丁應領乾隆二  
十七年夏秋冬三季兵米一萬四千二百餘石即  
於此項餘剩粟米內全數動撥在兵丁可以不與  
閭閻爭糴市集糧價亦可不致翔踊於民食兵糈  
均有裨益該部遵諭速行

閏五月十六日奉

上諭方觀承查奏本月十四日長刻天氣朗晴並  
雨後查看各處澀水悉歸淀河不通溝渠者道旁  
小苗間有淹沒秋禾異常暢茂一摺近京一帶通  
來時霽時陰雨水不免過多朕心深切軫念是以  
屢諭該督查奏今據奏秋苗日見長發大田固無

妨礙而夏至前後二麥尚未全收遇此連陰晚獲者分數必減雖經該督訪察未至成災而其中低窪地畝夏熟不無缺望著傳諭方觀承悉心查勘有實係歉收較重之地即照例查辦有需補種晚禾而力量不足者並酌借籽種以資接濟再景州附近窪地北來者多言積水未能即涸其作何設法上緊疏消並隣近田畝情形若何應否酌量撫綏之處著一併詳悉奏聞該部遵諭速行

六月二十六日奉

上諭天津地勢低窪近因雨多積水柴米價直稍昂兵丁買食未免拮据著加恩將存津左右城守三營現係馬步守各兵每名借給米一石俾資接

濟於明年應得餉米銀內再行分作四季扣還以示體恤

七月初八日奉

上諭前因天津地勢低窪雨多積水柴米價直未免稍昂兵丁買食維艱曾降旨將存津左右城守三營馬步守各兵每名借給米一石因思該處滿洲駐防兵丁口食自亦拮据並著加恩每名借給餉米一季亦於明年應得餉米內分作四季扣還以示體恤

乾隆二十八年正月初二日奉

上諭去年直隸各屬雨水過多其偏災地方已經加恩賑恤並酌籌以上代賑俾窮黎不至失所但

時屆春月例賑將停參秋尚遠正當青黃不接之際農民口食未免拮据深為軫念著再加恩將被災較重之霸州保定文安大城永清東安武清寶坻寧河薊州安州新安天津青縣靜海滄州寧晉等十七州縣之極貧次貧戶口暨被災稍輕之大興宛平昌平順義固安涿州新城雄縣香河豐潤玉田灤州昌黎樂亭清苑望都高陽河間任邱交河景州東光南皮鹽山慶雲冀州武邑衡水等二十八州縣之極貧戶口均於停賑之後暨予展賑一個月以資接濟並於通倉所存乾隆二十四年以前積米撥運十二萬石以充展賑之需該督方觀承其量率屬員實力奉行務令貧民均霑實惠

副朕愛養黎元至意該部遵諭速行

初二日奉

上諭上年山東濟南武定等屬間被偏災疊經降旨令該督撫等加意撫綏俾小民無致失所第念時屆春初賑期已滿而田間東作未興猶不免艱於覓食朕心深為軫念著加恩將被災之齊河濟陽禹城臨邑長清陵縣德州德平原德州衛惠民陽信海豐樂陽商河霑化壽張聊城堂邑博平茌平清平冠縣臨清邱縣高唐恩縣夏津武城東昌衛等二十州縣衛內所有極貧之戶再行加賑一月以資接濟該撫其董率屬員審心經理務令均霑膏惠稱朕軫恤貧黎至意該部遵諭速行

初四日奉

上諭上年直隸各屬雨水過多所有被災稍重之  
極次貧民及被災稍輕之極貧各戶業已加恩展  
賑以示惠養更思被災稍輕之次貧及勘不成災  
與毗連災地之貧民雖不在定例應賑之內而其  
中實在不能自存有類極貧者當此青黃不接之  
時聖鑒下矜深堪軫念著再格外加恩將大興等  
二十八州縣內之六分災次貧及毗連災地之五  
分災貧民其中的量極貧戶口一體給賑一個月  
以溥渥澤其餘貧民均著於現在興修工作之處  
准令赴工就食俾資餬口該督方觀承逐一查明  
妥協辦理副朕愛養黎元有加無已至意該部遵

諭速行

初四日奉

上諭上年山東濟南武定等屬被水災黎業經降旨將齊河等三十州縣衛極貧之戶加賑一月以資接濟更思該省與直隸天津河間災地毗連被水稍重當此東作未興之前間閭生計自多拮据著格外加恩將齊河等三十州縣衛內所有極貧戶口除前加賑一月外再予加賑一月其餘次貧各戶並著通行加賑一月以溥惠澤該撫阿爾泰妥協經理毋使一夫失所副朕矜恤災黎有加無已至意該部遵諭速行

御製降旨加賑直隸山東去歲被水州縣詩以誌



事  
本

聞人有恒談新年宜言吉降旨加賑饑民他違  
恤念茲燕趙區連歲霖霖溢嗟哉艱食艱閭閻生  
計失調幕懸無能空言不如實例卹雖百方增賑  
與再一齊右乃接界顧此彼可弗亦命展月限毋  
俾向隅屈粵澤體

天心

天心本陰陽顯祈錫康年勝予小補蓋是謂大吉  
祥言情聊點筆

二月十九日奉

上諭直隸辦理賑務節次遞加而勘不成災各屬  
正賦復格外停緩前次所撥帑項猶恐尚未敷用

著戶部再撥庫銀八十萬兩即交方觀承接濟應用該督其率屬實心經理俾閭閻得霑實惠以副朕懷該部遵諭速行

十九日奉

上諭去歲直屬窪地被潦附近米價不免稍昂營兵口食未能贍給著加恩將通省各營兵丁俱借給兩月口糧分作四季扣還以示體卹

十九日奉

上諭朕恭謁

東陵途次周諮民隱直屬州縣上年秋霖被災較重深堪軫念前已疊降諭旨概行加賑至本年三月但現在農民東作方興麥秋尚遠口食猶恐拮

據著加恩將被災六分以上各州縣無論極次貧  
居再予展賑一個月其被災五分者例不應賑並  
格外加恩亦無論極次貧民特予加賑一個月以  
資接濟至地畝雖經涸出間閭或無力播種者並  
著查明有可趕種春麥或候種大田者均分別借  
給籽種一面辦理一面奏聞俾得無誤春畝副朕  
體卹愛養至意該部遵諭速行

三月初七日奉

上諭前因直屬去秋被水窪地雖屢經加恩撫卹  
但當此青黃不接之際民力猶恐拮据已降旨將  
被災六分以上各州縣暨被災五分者藥予加恩  
展賑一月以資接濟茲恭謁

東陵

西陵所過通州三河良鄉三州縣其成災分數皆不及應賑之例念其地近輦道上年歲事歉薄閭閻生計維艱著格外加恩將通州等三州縣不應給賑邨莊地方官確查實在貧民均予加賑一個月該督其率屬悉心體察毋任胥吏侵蝕中飽俾澤必下完副朕加惠黎元至意

四月十六日奉

上諭直隸被災各屬設廠煮賑現在倒應停止第念時屆清和麥田現在望雨昨京城內外賑廠已降旨加賑其近畿各屬並著再行加恩接展均動支公帑辦理俟甘霖普降後再行停止以示優卹

該部遵諭速行

十八日本

上諭昨日因直隸被災各屬倉賑將屆期滿降旨再行接展俟甘霖普降後停止今已得透雨地方官若遵照此旨卽行停賑非所以永

天惠而厚民依也其概行展賑半月庶田功力作者漸次可以就食而麥秋亦屆矣該部遵諭速行御製降旨展直隸各州縣粥廠賑期詩以紀事

奉

粥廠佐例賑最濟老幼貧五城發官穀州縣捐資

循日久慮難繼救命官出困自冬違首夏想活無

數人昨旨命展期止以需澤均旨降隨霑膏停期

恐卽遵

昨以麥秋未屆願望甘霖各州縣官穀粥廠於幾補貧民可資接濟特命發倉穀展

賑以得雨為期冀日時雨普降恐有司即普令展  
行停止申命再展半月則可延至春秋矣  
半月庶及春秋新上以承

天庥下以惠吾民惠民寧從厚嗟哉溝壑頻

五月初二日奉

上諭直隸各屬內上年秋霖歉收之地米價未免  
較昂兵丁艱於買食著加恩將保定雄縣寶坻固  
安霸州東安玉田昌平良鄉順義及大興之采育  
各州縣所有駐防兵丁今年夏秋兩季應領米折  
銀兩一縣給予本色即於奉天採買米石內支放  
以示體卹該部即遵諭行

乾隆二十九年正月初二日奉

上諭上年東省秋收俱屬豐稔惟濟寧等七州縣

銜自六七月間河湖並漲低窪地畝間有被淹雖經加恩撫賑第時當春月例賑將停而東作方興麥秋尚遠農民生計仍恐未免拮据著再加恩將濟寧魚臺金鄉城武鉅野濟寧臨清銜等七州縣銜成災地方無論極次貧民俱各展賑一個月該撫董率有司膏心經理用副朕體恤貧黎有加無已至意該部遵諭速行

初二日奉

上諭甘肅省皋蘭等屬上年夏秋俱有偏災較重之處雖經該督撫等照例賑恤災黎自可不致失所第念該省上瘠民貧生計維艱時屆春和若使糴糴不繼何以課其盡力田疇著再加恩將兩次被

災之永昌西寧碾伯三縣無論極次貧民俱各展  
賑兩個月其夏不被旱之皋蘭縣並所屬之紅水  
張掖縣並所屬之東樂以及撫彝廳山丹莊浪廳  
武威鎮番古浪平番中衛伏不被災之伏道河州  
靖遠平涼華亭固原隆德鹽茶廳擺羊戎廳等十  
九廳州縣無論極次貧民俱各展賑一個月以資  
接濟該撫等並率屬員妥協經理務俾災黎均霑  
膏惠副朕愛養黎元至意該部遵諭速行

御製降旨加賑山東甘肅去歲偏災州縣卹

十行寬大詎虛談竇政應敷惠澤覃東屋低田冷  
齊魯西憂瘡土早涼甘貧分極次為開賑令飭撫  
藩慎再三恩戒侵漁須遍逮春米胥俾力農謹



四月初四日奉

上諭甘肅省續據題報翻種秋禾復被偏災之金  
縣沙泥州判環縣靈州花馬池等處雖經該撫照  
例賑恤恐民力尚不無拮据並著加恩照皋蘭等  
十九州縣之例加賑一個月該督撫等其各飭屬  
實心經理務俾小民均霑實惠該部遵諭速行

十三日奉

上諭前以甘肅皋蘭等屬上年偶被偏災業經降  
旨展賑並諭令該督楊應琚將有無尚應加恩之  
處查奏今據奏到該處冬春雨雪霑足俱已借給  
籽種口糧翻犁播種惟涼州府屬之武威縣上年  
被災輕重山丹縣稍次等語該二縣前此雖在展

賑之內足資接濟但念其地較寒瘠麥收尚遠民間口食未能充裕著加恩將武成縣再行展賑兩個月山丹縣再行展賑一個月該督董飭所屬實力經理務俾小民均需實惠該部遵諭速行

六月初三日奉

上諭據李侍堯奏湖南武岡州高沙市地方山水驟發冲壞田廬淹損人口衡州府屬之衡山縣溪水陡漲沿溪民房亦有間被冲淹之處撫臣喬光烈現往查勘等語山水陡發雖止一隅受災但田廬人口既有傷損朕心甚為軫念著該督撫等確勘情形分別輕重加意撫卹俾貧黎均需實惠勿令吏胥侵蝕中飽以副朕惠愛災氓至意該部遵

諭速行

十七日奉

上諭蘇昌等奏韶州府等屬先後間有被水之處  
惟英德縣地方兩次被淹情形較重現在照例撫  
卹等語該處城鄉被水雖屬一隅偏災但兩經山  
水漫漲田廬多有淹損無力窮民口食維艱著加  
恩將英德縣酌賑一月口糧俾資鋤口其南海三水  
清遠等縣民修圍基當被水之後復令裹糧趨  
事亦未免拮据著加恩各按在工民夫的給口糧  
以資力役該督撫等其董飭所屬實心經理副朕  
加惠貧黎至意該部遵諭速行

七月十四日奉

上諭常鈞奏黃梅廣濟武昌黃岡蘄水蘄州等處  
因江水漲溢民田廬舍不無浸浸其黃梅廣濟二  
縣情形較重等語該處一帶因大雨時行江水暴  
漲居民田廬猝被水淹朕心深為軫念著該督撫  
速行勘明被災各屬災重之處所有乏食民人勢  
難緩待者即隨查隨賑撫恤一月口糧其被災稍  
輕者酌量借給口糧被得趕種秋禾以資接濟俟  
勘明被災分數再行分別辦理該督撫等其實心  
督率經理撫卹毋任胥役從中侵漁滋弊俾貧民  
均霑膏惠該部遵諭速行

十六日奉

上諭喬光烈奏湖南湘陰益陽巴陵華容武陵龍

陽沅江澧州安鄉岳州衛等處因湖水浸溢居民  
廬舍田畝各有被淹等語該處湘陰一帶地處濱  
湖因湖水盈滿加以長江漲發淹及居民田舍朕  
心深為軫念著該撫速行查勘如有被水稍重之  
處實在無力貧民即行加意撫綏俟勘明之後再  
行分別具奏該撫等其董率屬員悉心賑恤毋使  
胥吏從中滋弊俾貧民均霑實惠該部遵諭速行  
二十四日奉

上諭輔德奏江西德化縣與湖北黃梅連界江水  
奔注淹及該縣封一封二桑落三鄉現在照例撫  
卹等語該處倅經江漲致損秋禾閭閻歲事未免  
失望深為廕念所有應行加賑月分以及蠲免借

糴各事宜該撫速飭所屬迅為查辦務俾被水災  
黎均霑膏惠其彭澤等五縣最低處所及德化之  
赤松一鄉雖例不應賑者亦著一體分別加恩查  
其被水稍重極貧戶口量予撫卹以示惠愛黎民  
至意該部遵諭速行

八月初二日奉

上諭甘肅鞏昌等府屬前此雨水未足時屢朕懷  
今據楊應琚奏到六月中連次得雨夏禾仍屬有  
收秋禾亦可及時趕種惟皋蘭等州縣廳屬不及  
補種秋禾應查勘辦理等語該處緣邊土瘠夏秋  
雨澤未過歲事歉收朕心深為軫念該督其速飭  
所屬悉心察勘按例實力撫綏毋使災黎稍有失

所因念西陲辦理軍務時歲歲加恩蠲除正賦今  
大功告竣已歷數載甘民未受恩惠本年秋成既  
未能一律收穫民力未免拮据著特加恩將被旱  
較重之皋蘭金縣渭源靖遠紅水縣丞沙泥州判  
隴西通渭會寧鹽茶廳山丹東樂縣丞等十二州  
縣廳並被旱稍輕之河州狄道漳縣安定平涼固  
原靜寧隆德莊浪張掖武威鎮番平番古浪永昌  
西寧碾伯花馬池州同等十八州縣廳及靈州中  
街縣屬之被災旱地所有本年應徵地丁錢糧概  
予蠲免該督其督率有司妥協辦理毋致胥吏人  
等中飽侵漁副朕加惠元元之至意該部遵諭速  
行

御製降旨免甘肅鞏昌等府本年正賦詩以誌事

中甲

甘肅乃最邊地瘠民亦貧方當軍行時未免供應  
頻歷年寬正賦損上義經云通年大功成役罷興  
耕酌秋稅以例輸踐上義所遵今夏忽缺雨數郡  
早象殊西望為民傷艱辛胡易屯方伯及有司善  
撫命屢申賑濟無或遺俾無溝壑淪獨糧有定例  
被災按數分念此悼獨衣破例與豁均庶幾追催  
科閭閻鮮吏人相將種秋麥以待接明春

九月十四日本

上諭前江西德化等處因江水驟漲溺窪之地秋  
禾不免淹損已降旨將德化封一等三鄉及彭澤



等五縣被水之地分別加恩撫綏今各該處積水  
雖次第消退可以補種秋禾而南昌等縣緊踞鄱  
湖之上其最低處所未能全行涸出秋種難期  
收穫民力不無拮据著再加恩將南昌新建進賢  
三縣未涸地畝即照封一等三鄉之例一體概予  
蠲賑該撫速飭所屬實力妥辦務令均霑實惠副  
朕軫念閭閻至意該部遵諭速行

十月二十二日奉

上諭據常鈞等奏監利縣孫家月隄工程例應民  
修今因該處濱江被水民力未免拮据額請自修  
三分暫行借帑七分按三年帶徵還項等語此等  
隄工雖向係民修之項但今年江湖驟漲該處現

在尚加賑卹閭閻物力維艱深為軫念所有現請  
借銀一萬二千兩加恩免其帶徵歸款者在罰修  
隄費等項內動支倘罰項不敷即動撥正項亦可

孚惠金書卷三十五

平惠全書卷三十六

偏陽賑借十

乾隆三十年正月初二日本

上諭去歲甘省夏秋偶被偏災各州縣業經降旨  
令該督等加意撫綏照例給賑並蠲免本年額賦  
以示優恤但念該處地土瘠薄當此青黃不接之  
時例賑將停麥秋未通小民口食尚恐不免拮据  
著加恩將災重之皋蘭金縣渭源靖遠紅水縣丞  
沙泥州判鹽茶廳山丹東樂縣丞平涼隴西通渭  
會寧安定等十四廳縣無論極次貧民概行展賑  
兩個月稍重之漳縣固原張掖武威鎮番平番古  
浪永昌西寧中衛靖寧隆德莊浪靈州花馬池州

同等十五州縣無論極次貧民概行展賑一個月  
該督其董率屬員實心查辦毋令胥吏侵蝕中飽  
務俾貧民均霑膏惠以副朕軫念邊氓之至意該  
部遵諭速行

御製降旨加賑甘肅去歲被災州縣計以誌事  
新正將南巡頒諭豁逋賦江浙人則幸他亦予民  
庶弗被災或可被災深屋慮甘肅昨夏旱申命已  
周助正供早與豁恤民何從屢加賑宣恩綸極次  
計月付推行在有司其善膏惠佈

初三日奉

上諭上年湖北黃梅等各州縣偶被水災已經疊  
降諭旨加恩賑卹撫綏副據該督撫等奏報被水

之區補種收成均有六七八分不等民情已為寧  
貼第念稽賑貧民向資官庫入春東作方興正在  
青黃不接若驟行按例停止未免餬口維艱深為  
軫念著再加恩將被災較重之文泉監利黃梅三  
縣及毗連之廣濟一縣無論極次貧民俱展賑一  
個月並酌借籽種以資耕作其沔陽漢川漢陽三  
州縣及勘不成災之江夏武昌咸寧嘉魚蒲圻興  
國大冶黃陂黃岡蘄水黃安蘄州石首等十三州  
縣收成完屬少數亦著該地方官酌借常社等倉  
穀石接濟口糧籽種俾得盡力而收以待春秋該  
督撫等董率屬員實心經理務使小民均霑減渥  
副朕加惠元元至意該部遵諭速行

御製降旨加賑湖北去歲被水四縣配

萬方豐歉一心存酌濟寧教新德言被水雖云僅  
四縣望賑亦厯有黎元旬宣咨爾頒錢穀老幼俾  
其獲飽溫豐省費多報歉少慶斯即是沐  
天恩

八月二十二日奉

上諭據楊應琚奏省城皋蘭縣於七月十八日地  
覺漸動少頃即止並無傷損其鞏昌府屬之隴西  
安定會寧通渭漳縣寧遠伏羌西和岷州直隸秦  
州並所屬之清水禮縣等十二州縣亦於是日地  
動內有損壞舊城倉署民房並間有壓斃人口挫  
傷者而寧遠伏羌通渭等三縣較他處稍重現在

親往查勘分別撫恤等語甘肅遠處西陲地瘠民貧茲以地動壓損房屋人口朕心深為軫念現在該督親往查勘撫卹著加恩照乾隆三年賑卹寧夏成例查明被災情形分別優卹其災重地方並著將本年應徵錢糧一體蠲免該督其董率所屬實力奉行毋任胥吏侵蝕中飽俾閭閻均霽膏惠以副朕軫念災黎之至意該部遵諭速行

九月初九日奉

上諭前據楊應琚奏鞏昌府屬之寧遠等縣地動情形較重朕深為軫惻已降旨令照乾隆三年賑恤寧夏成例分別優卹今該督奏稱親往查勘地動各屬請將被災較重之寧遠伏羌通渭等三縣

照寧夏之例稍減辦理等語想尚未奉到前旨甘肅素本貧瘠此次地動倒塌房屋壓斃人口較多民力未免艱窘自當加意撫綏俾皆得所若僅照寧夏例減半辦理恐尚不足以濟民困苦該督仍遵照前旨將賑借各項均照優卹寧夏之例一體籌辦以副朕矜恤災氓至意該部遵諭速行

十二月十五日奉

上諭前因山東濟南武定等屬間有被水地畝經該撫查明題請分別賑濟兼令借給麥本現在時屆隆冬賑期已滿而屈指春秋尚遠民食未免拮据著加恩將被災稍重之濟南府屬齊河濟陽長清臨邑德平武定府屬惠民樂陵青城商河濱州



陽信利津靈化蒲臺青州府屬高苑等十五州縣  
極次貧民概予加賑一月該撫其董率所屬實心  
經理務俾窮黎均霑膏惠剋期加惠元元上意該  
部遵諭速行

乾隆三十一年正月初三日奉

上諭前因甘肅河東河西各屬有秋禾偏旱及間  
被雹水風霜之處業經照例賑卹但念偏災處所  
蓋藏未必充裕特令該督再行悉心查勘具奏今  
據查明奏到所有偏災較重稍重之各州縣於例  
賑完畢之後正值青黃不接之時民力不無拮据  
著加恩將被災較重之靖遠紅水縣丞安定會寧  
通渭寧遠伏羌鎮原平涼安化等縣靜寧州涇州

寧州等十三處無論極次貧民俱展賑兩個月被災稍重之皋蘭金縣隴西漳縣華亭莊浪固原州鹽茶廳隆德靈臺合水武成鎮番平番中衛等十五處無論極次貧民俱展賑一個月以副朕優卹邊氓至意該部遵諭速行

御製降旨加賑甘省去歲被災州縣並全免積欠

詩以紀事  
戊戌

甘省界西北舟楫素弗通地瘠民多貧所幸茲澤風是更心以憐忍視遭困窮軍需罷已久新疆屢報豐嗟此甘涼民稔年偏鮮逢缺雨甘州縣昨夏數窘空例賑期有限豈無遺轉達酌加視輕重接濟興春竣積欠達百萬概免追呼急非希布寬大

實切恤疲憊倘隄彼茅棍間慶春慈錫宮

初四日本

上諭浙江天台新昌寧海等三縣去秋晚禾間有  
被旱業經該撫酌給籽本其應徵錢糧照例蠲緩  
並豫籌撥運倉穀協濟小民自可不致失所但念  
東作方興春收尚遠青黃不接之時間閭生計未  
免稍艱著加恩將天台新昌寧海等縣查明實在  
貧乏戶口散給一月口糧以資接濟至仁和錢塘  
會稽蕭山桐廬分水等縣雖據該撫勘明係一隅  
偏災亦經分別緩徵而收成完屬數薄民力不無  
拮据並著加恩將此數縣歉收地畝於春耕時按  
畝賞給籽本穀三升免其追繳令各乘時力作該

撫具董飭所屬悉力經理務俾小民均霑膏惠以副朕愛養黎元至意該部即遵諭速行

六月十一日奉

上諭湖南瀨水州縣每遇春夏湖湘水發易致淹浸本年五月中旬該省雨澤稍多湖河漲溢居民雖無傷損而堤垸禾苗間有被淹之處蓋陽龍陽武陵等縣情形較重民力恐下免拮据著該撫即董率所屬查明被災戶口加意撫卹其淹損地畝有可酌量補種者即妥協經理令其及時趕種秋禾俾資接濟毋使閭閻稍有失所至沅江湘陰湘潭寶慶等處是否成災並著皇速確勘照例查辦以副朕軫念該部即遵諭行

二十一日奉

上諭湖南瀨水州縣因本年五月雨澤稍多湖河漲溢田廬間有被淹並陽龍陽武陵等縣情形較重曾經降旨著該撫查明撫恤今據李因培奏五月十八九等日辰沅山水驟下武陵城外長堤正當其衝以致隄口潰漫該縣城鄉房屋多有坍塌人口亦有淹斃等語武陵此次被水頗重朕心深為軫念著該撫即速查明被災戶口先行撫卹一月口糧俾窮民均資接濟所有坍塌房屋人口並著詳查酌賞其水退地畝分別借給籽種令各及時耕作如有一時不能涸出處所難於補種者並著確查成災分數另行照例辦理該撫其董飭所

屬實力查辦毋致開闕稍有失所該部即遵諭行

七月二十六日奉

上諭在應階奏東省七月初旬雨水稍多運河宣  
洩不及汶河亦一時漲發致有漫溢濟南東昌泰  
安武定兗州曹州等府屬州縣內低窪村莊俱有  
被水之處穀豆間致損傷民房亦不無冲塌等語  
看來該省被水情形較重朕心深為廕念著該撫  
即速前往查勘有應得撫卹者即照例撫卹有已  
經成災處所並著查明分數按其輕重分別悉心  
妥辦俾閭閻不致失所該部即遵諭行

二十八日奉

上諭據常鈞奏查辦常德府屬被水撫卹情形摺

內稱面詢災民及各地方官有已經遵例散給撫  
卹口糧者亦有拘泥夏月被水俟秋成確勘分別  
辦理不敢即行賑卹者等語覽奏殊堪駭異此次  
常德等屬猝被異漲與尋常被水者不同前經李  
因培奏報山水漲溢情形即降旨令其作速查明  
先行撫卹一月口糧俾窮民均資接濟今據常鈞  
所奏該處地方官竟有拘泥成例俟秋成後始行  
辦理者試思現在積水未消災民露處乏食豈能  
坐待秋成賑卹之理李因培從前所辦何事至於  
城工隄垸皆衛民要務李因培亦並未具奏及此  
實為可怪其意不過以交代在即心存五日京兆  
之見不復詳悉查辦督撫身任地方以此災賑重

大關係民生呼吸之事輒意存委卸置民瘼於度  
外則所賴於督撫大吏者何在殊非朕軫恤愛民  
之意李因培著交部議處所有常德等屬被水等  
處著常鈞速即撫卹卹賑黎黎普需實惠毋致稍有  
失所該部遵諭速行

御製命湖南巡撫常鈞撫卹常德被水州縣詩以

誌事

戊戌

五月常德屬被水時撫楚南因培是時已調李因  
調之常鈞在滇尚未至亦經情形報驛章速即撫  
楚撫篆尚係因培代理自滇來災區一一皆親視乃  
卹已降旨常鈞接任知恩給有或遭拘泥夏災秋勘俟  
常鈞奏沿道查勘災民及地方官有已散給口糧者亦  
有拘泥夏災常例俟秋成分別勘賑者覽奏深為駭異  
今歲



常德梓被異漲非比尋常災民露處嗷嗷馬龍土  
待秋深補賑此皆幸因培因得此固定代在通不  
復悉心經理豈封疆大吏體國愛民之道因初部  
議處並諭常鈞亟加撫恤其民使衝清者兼介部  
體官修得資接濟是何言哉為駭然嗷嗷待哺堪  
嗟矣夏災秋勸謂可待暴潦梓侵室廬毀方伯撫  
民之謂何京兆五日可同被合付吏議警其餘府  
守縣令即職號長州守諸重尤沅後令王元位於所屬災區均不親蒞確查惟事於  
同支歸亦經常鈞勸奏並仍飭優賑亟妥為庶免降旨罷斥留楚差違貽罪仍飭優賑亟妥為庶免  
黔黎溝壑委隄皖民力有不能一體官修代賑耳  
悠悠南望中心藏忘之詎因累景美

乾隆三十二年正月初二日奉

上諭去歲上下江濱河各州縣因徐州黃水漫溢  
偶被偏災業於例賑撫卹外並酌借籽種以資耕

作惟念新春正賑已竣尚屬青黃不接之時貧民  
口食未免拮据著加恩將下江所屬之銅山蕭縣  
睢寧宿遷並銅山縣之徐州衛上江所屬之宿州  
靈璧虹縣泗州共九州縣衛內被災七八九十分  
者極貧加賑兩個月次貧加賑一個月用資接濟  
該督撫等其董率各屬審心經理俾得均霑惠澤  
以副朕軫卹窮黎至意該部遵諭速行

御製降旨加賑江南去歲被水州縣詩以誌事丁

清口雖誠利下河自定視五甯水誌開清口以黃

隄那保永恬波怪哉秋仲致災親河去歲八月中華

於徐州之韓家堂漫隄而出瀕河間被淹災雖烈

期修築隄口民皆安堵而下江之銅山蕭縣上江  
之宿州靈璧等九州縣被災幸矣冬初歲事收斂未  
災較重困苦命加賑一月

災延遭者苦即云振穀屋猶多新春施惠宜加賑  
祇有憂民志不磨

初二日奉

上諭昨秋東省武定濟南東昌泰安兗州曹州等  
府屬瀕臨運河之處偶被水災業經飭令該撫加  
意撫卹獨縣東施俾無失所但念新春東作方興  
距麥秋尚遠無力貧民口食未免拮据著加恩將  
被災較重之惠民陽信海豐樂陵商河濱州利津  
鹽化蒲臺禹城聊城堂邑博平茌平莘縣高唐東  
昌等十七屬及被災次重之齊河濟陽臨邑長清  
陵縣德州德平平原德州衛東中東阿東平所金  
鄉魚臺濟寧嘉祥汶上壽張濟寧衛武城定陶鉅

野郭城濮州范縣觀城朝城清平臨清衛等二十  
九屬無論極次貧民再行加賑一月俾春初力作  
之時得資接濟該撫其量率所屬實力奉行務使  
窮黎均霑實惠該部遵諭速行

御製加賑山東去歲被水州縣請以賑事行

十行寬大詔非虛責實濟宣尼亦有言急周不富

繼念彼青齊境田潦遭去歲額賑雖已行未可按

常例災重十七屬

中命撫臣於去冬確查惠民  
陽信等十七州縣被災較重其

次廿九暨

次重者齊河濟陽均與一月加稍  
二十九州縣街所

閭閻仍飭方伯臣以及大小吏量率善推行俾民  
受真惠

閏七月初一日奉

上諭據定長泰湖北黃梅廣濟等州縣六月間雨水過多江湖陡漲堤垸受沖田廬間有淹沒現在親往查勘等語該處州縣審臨江湖每遇夏秋感漲易致侵溢此次黃梅廣濟等處被災稍重朕心深為軫念所有黃梅廣濟二縣著該督即速照例撫恤仍著詳勘被災情形妥協經理毋致稍有失所其黃岡漢陽漢川沔陽江夏武昌嘉魚等各州縣衛並著迅速查明成災分數分別賑卹該督其並率所屬加意籌辦實力撫綏務俾小民均霑實惠毋致胥吏從中滋弊以副朕軫恤災黎至意該部遵諭速行

初二日奉

上諭據馮鈐奏安徽宿松等州縣臨江濱湖七月以來大雨時行江水陡長以致圩洲田地房屋間有淹浸倒塌現在飭屬查勘照例撫卹等語該處沿江州縣地勢低窪此次江水盛漲被災稍重朕心深為軫念所有安徽府屬之懷寧桐城宿松望江太湖池州府屬之貴池銅陵東流太平府屬之繁昌蕪湖並和州等處著該撫速行酌撥撫卹妥協經理仍飭各州縣設法疏消酌量借給籽種俾得乘時補種晚秋以資接濟並確勘現在被水情形及將來收成分數詳核是否成災分別辦理該撫務督率所屬實力籌辦使被水窮黎不致失所以副朕軫恤至意該部遵諭速行

十八日奉

上諭前因湖北省黃梅廣濟及黃岡漢陽等州縣  
衛間有被水之處業經降旨卽速據實查勘分別  
加恩賑恤毋致失所今據定長續奏湖南之湘陰  
益陽等處亦於六七月間雨後水漲以致浸淹田  
廬間有淹損等語朕心深為軫念所有湘陰益陽  
沅江龍陽武陵安鄉華容並澧州祁陽等州縣被  
災情形著該督撫卽董率所屬詳核確勘加意撫  
綏務俾均霑實惠毋使稍有拮据以副朕賑卹窮  
黎至意該部遵諭速行

二十二日奉

上諭前因安徽懷寧桐城等州縣雨後江漲間被

浸淹業經降旨即行撫卹並令設法疏消酌借籽種俾得補種晚秋以資接濟今復據高晉奏安徽之當塗無為含山江蘇之上元江寧江浦江西之德化德安湖口彭澤建昌新建等州縣俱有續經被水之處內有被淹地畝稍寬情形較重計時已屆處暑即有涸出地畝難望補種已成偏災等語朕心深為軫念著各該督撫等飭屬上緊疏消酌撥撫卹並確勘現在成災分數分別蠲緩妥協辦理務俾被水窮黎不致稍有失所以副朕軫卹至意該部遵諭速行

二十六日奉

上諭前據高晉奏江西之德化德安湖口彭澤建



昌新建等州縣內有被淹稍重之處業經降旨撫  
卹並令確勘妥辦今據吳紹詩奏南昌進賢鄱陽  
餘干瑞昌星子等縣其貼近江湖低田亦曾被浸  
淹現在尚未涸出栽種無及等語南昌等各縣上  
年已間被水淹茲復被偏災間閭生計未免拮据  
朕心深為軫念著該撫妥速加意撫卹嚴飭所屬  
履畝詳勘分別妥協辦理實力撫綏務俾窮黎均  
需膏惠不致稍有失所副朕軫卹至意該部遵諭  
速行

乾隆三十三年正月初二日奉

上諭上年江西有南昌等一十三縣偶被偏災業  
經降旨該撫等照例賑卹今念賑期已竣正值青

黃不佞之候貧民口食未免拮据著加恩將南昌  
新建進賢鄱陽餘干星子建昌德化德安等九縣  
被災七八九十分之極貧與被災九十分之次貧  
各加賑兩個月被災七八分之次貧加賑一個月  
其湖口彭澤瑞昌都昌四縣低田偶遇偏災情形  
較輕所有被災七八九十之極貧及被災九十分  
之次貧各加賑一個月該撫等其督率所屬實心  
經理務俾窮黎均霑實惠毋貳稍有失所該部遵  
諭速行

初二日本

上諭上年湖北省黃梅等十三州縣並屯坐各州  
縣之武昌等七衛夏秋間被水災業經該督等照

例分別撫恤加賑惟念停賑之後卽值青黃不接之時貧民口食不無拮据著加恩將被災較重之黃梅廣濟黃岡漢陽漢川五縣及屯坐各縣之武昌武左黃州新州四衛並蘄州衛屯坐江南宿松江西德化瑞昌三縣地方無論極次貧民概行加賑一個月其黃梅等州縣上年應徵錢糧雖已分別蠲緩所有乾隆二十九年被水以後未完帶徵錢糧及借領籽種口糧若仍按限徵追尚恐積欠之區輸將無力並著加恩統緩至本年秋收豐稔後再行帶徵該督撫等具董率所屬實力奉行務使災黎均霑膏惠該部卽遵諭行

初三日奉

上諭上年上下兩江沿江各州縣因江水稍人間  
有淹浸業經疊降諭旨撫賑兼施惟念賑竣之後  
去春秋尚遠貧民口食未免拮据著加恩將下江  
所屬之上元江寧江浦六合句容溧水高淳丹徒  
金壇溧陽儀徵等十一縣並揚州衛上江所屬之  
懷寧桐城宿松望江貴池東流銅陵當塗蕪湖繁  
昌無為和州含山十三州縣並安慶建陽廬州三  
衛被災七八分者無論極次貧民均加賑一個月  
其被災九分十分者極貧加賑兩個月次貧加賑  
一個月用資接濟該督撫等其董率各屬實心經  
理俾得均霑惠澤以副朕軫念窮黎至意該部遵  
諭速行

御製降旨加賑去歲被水偏災各州縣詩以誌事

子戎

始和布惠自金門民瘼昨年逢細論湖北江西水

有被去年夏秋濱江偏災地畝湖北則黃梅等上

元安慶穀艱存下江上元等十一縣屬亦以此迎間被浸

滋均需方伯施教聲平妥凡加賑處命督撫各飭屬

會計司農例莫援加賑或乃於常例外視其極廿六

分中繞一分就四省通轄州縣較核被水之地各

五州縣較核四省加賑五十分屬僅補偏已足沐

居天下州縣二十六分之一分耳

天恩

乾隆三十四年正月初二日奉

上諭直隸各屬上年間被水災業經加恩分別賑

卹現在時屈束作尚恐被災貧民際此青黃不接  
之候生計下無拮据者再加恩將霸州保定安州  
文安永清東安寧晉等七州縣被災六分之極貧  
及七八九十分之極次貧均加賑一個月其大城  
靜海二縣雖有代賑工程尚恐不敷接濟又災分  
稍次之任卹肅寧慶雲三縣內成災九分卹莊極  
次貧民均著於停賑後各加賑一個月該督其務  
董率屬員實力查辦無任胥吏中飽俾小民均霑  
實惠副朕加意黎元至意該部遵諭速行

初三日奉

上諭江蘇各屬上年得雨稍遲收成不無歉薄業  
經分別蠲賑第念被災稍重之區際此青黃不接

民力尚多拮据著再加恩將鹽城泰州東臺興化  
四州縣被災几十分之極貧各加賑一個月該督  
撫等其量率屬員妥協經理俾窮黎均霑實惠不  
致稍有失所該部遵諭速行

初三日奉

上諭安徽各屬上年得雨稍遲間被偏災業經加  
恩緩徵並分別賑恤現在時屆東作距麥收為期  
尚遠際此青黃不接之候生計尚多拮据著再加  
恩將合肥鳳陽定遠霍邱泗州盱眙天長滁州來  
安全椒等十州縣內被災十分之極次貧及九分  
之極貧各加賑兩個月其被災九分之次貧及八  
分之極貧各加賑一個月廬州鳳陽長淮泗州滁

州等五衛並照屯坐州縣一體查辦該督撫等具  
董率屬員實心經理務俾閭閻普霑澤以副朕  
軫念災黎至意該部遵諭速行

初四日奉

上諭豫省光州等七州縣上年被旱成災業經降  
旨分別蠲緩並先行撫卹一月仍照災分輕重加  
賑一二三月第念該地稻田居多收成較晚青黃  
不接之時民力未免拮据著再加恩將光州光山  
固始息縣商城信陽羅山等七州縣被災九分之  
極貧加賑兩個月被災九分之次貧及七八分之  
極貧各加賑一個月仍減價半糶倉糧水田借給  
稻種俾小民生計裕如未備不至昂貴該撫其董



率所屬實力查辦毋使吏胥稍有侵漁扣剝副朕  
加惠災黎至意該部遵諭速行

御製降旨加賑去歲各省所屬偏災各州縣並成

是什誌懷記

新正例施惠博施亮舜難緩急權次第被災所應

先收舉昨歲中九萬民各安直隸奏差收大田頗

可觀而何七月雨京南積漲濶將得反失之數縣

行潦歎

京南甯州保定等十二州縣上下江湖北

夏旱被插難得雨救大丰間

聲去有遂枯乾州安徽泗

等十州縣廬州等五街江蘇金州鹽城等四州縣

得雨較晚按分數加賑兩月一月湖北隨州京山

高阜之區雖勘不成災而收豫屬七州縣災重蓋

可憐

河南光州光山等七州縣被災早為重前已撫

卹緝緩今青黃不接再按分數加賑兩月一

月仍命平糶借賑或一再加徵則緩以全餘省中  
種以資生計  
稔多無災黎庶歡詎能期斯善惟勤補其偏諱飾  
我不為永言誌文端

十三日奉

上諭滇省地方上年雨澤霑足高下田畝一體豐  
收惟大理府屬之鄧川浪穹二州縣鶴慶府並所  
屬之劍川州因夏間雨水過多低窪地畝不無漲  
浸業經該督撫題明降旨善為賑卹但將來三四  
月間倒賑已停而麥秋未屆當此青黃不接之時  
窮黎難免拮据著再加恩將鄧川州浪穹縣鶴慶  
府劍川州被水極次貧民俱加賑一個月該督撫  
等其董率屬員實力奉行毋令胥吏從中侵蝕務

俾貧民均霑膏惠到朕屢念邊民至意該部遵諭  
速行

六月十一日奉

上諭在應階奏福建省城一帶因五月二十一日  
晝夜大雨致有積水民居田禾間被淹浸現已天  
晴水退等語該處雨後積水雖消退甚速但早稻  
涸出半已黃萎亟需趕種晚秧恐民力不無拮据  
著該督即行妥速查明借給籽種俾得及時耕作  
其被水災黎及有坍塌房屋之處並著一體確查  
加意撫卹毋致稍有失所以副朕軫念閭閻至意  
該部遵諭速行

二十四日奉

上諭據侯義奏湖北自五月以後雨水過多江水  
陡長江夏武昌等州縣地畝房屋多被淹浸現在  
率領道府等查勘等語湖北濱臨大江之區每遇  
夏秋盛漲易致泛溢此次江夏武昌興國漢陽漢  
川沔陽黃岡等州縣田廬被淹雖成災分數不同  
朕心深為軫念著該督撫卽速詳勘被災情形照  
例撫卹妥協辦理毋致窮黎稍有失所其勘不成  
災之處卽可補種晚禾民力未免拮据並著酌量  
借給籽種實力撫綏俾小民均霑實惠毋令胥役  
從中滋弊以副朕軫恤閭閻至意該部遵諭行

七月初七日奉

上諭據富尼漢奏安徽省被水各府屬自六月初七

日以後迄今半月晴明節次飭屬查勘被淹居民  
量為撫卹無力貧民的借籽種一面開倉平糶以  
資接濟等語前已降旨該撫確查災地加意撫綏  
第念該省係積歉之區民間元氣未復今歲夏秋  
又復未能豐稔現在已屆立秋江湖積水或未能  
速消晚秋雜糧不及補種間闕生計難免拮据著  
富尼漢督率所屬悉心經理酌量借給籽種平糶  
有應加撫卹者即照例善為撫卹務使貧民均霑  
膏惠無致稍有失所該部遵諭速行

平惠全書卷三十六